



林芝吟 小姐

閩南語 · 現代詩 · 學生組

第一名

得獎作品

佉海約會

得獎感言

用我的母語我的手，寫我的話我的心情

會當用台文來書寫，紀錄每一個時陣的思想佉感動，母但是挑戰嘛是我誠久以來的願望。細漢的時，上愛仔樹仔跤聽大人咧講故事答喙鼓，彼个時陣會曉聽、會曉講、煞袂曉寫。落尾來彰化師範大學臺灣文學研究所讀冊，仔咧臺文所老師的牽教佉指導，我才開始用家己的母語文字寫詩寫文章。

頭一擺參加文學獎，會當著獎誠歡喜誠幸運嘛實在是不敢當，母過我真感激評審老師予我這個肯定佉鼓勵，我會閣較拍拚，嘛會當做是我繼續共母語文字傳承落去的動力，因為語言是文化的底蒂，每個人的母語攏是上媿上珍貴的禮物，咱若會使保存家己的語言，就若親像開一扇窗仔門，看著另外一個世界，仔這塊土地逐家互相尊重，予咱的母語文化代代相傳落去。

多謝教育部予我這個機會，多謝評審老師，猶有阮彰師大臺文所老師的鼓勵，予我認捌文字的媿氣、詩的世界，所有捌拄著的風霜佉考驗，攏是予我的文字沓沓仔發穎的養份，我會繼續堅持認真學習。

只要有心想欲替這個社會出一寡力，母管創啥物攏好，總是有咱做會到的代誌。人生的路行到這個坎站，猶有法度樂暢做家己想欲做閣有意義的工課，這母但是我一直咧追求的目標，嘛是一層幸福的代誌。

佻海約會

天 拍厝仔光
想 欲予日頭
佻我來相倚
日頭 毋敢傷奢颯
掩掩揜揜 覘佇雲旌仔邊

海風微微仔吹
春天就綴咧來
我共風的衫 穿佇身軀
鼻 淡薄仔花的清芳
我共海的衫 穿佇身軀
聽 海湧掉跋反的喝咻

海風微微仔吹
我的思念 親像
一蕊一蕊的雲四界飛
管待今仔日抑是明仔載
我共紅霞的衫 穿佇身軀
抹粉點胭脂 來相會

彼時
佇海沙埔
海風咧指揮
叫菅芒 穿白紗裙來跳舞
一時仔向東
一時仔向西

叫木麻黃 揣伴來唱歌
窸窸窣窣
袂輸一首交響曲

彼時
你佻我
笑微微 糖甘蜜甜
黃昏的雲彩
照著咱的面 紅記記

日頭 漸漸欲落山
溫馴的月娘佻雲尪
敢有看著
我寄予海的批

海風微微仔吹
歡喜向望 為你梳妝打扮
形影 相牽
期待 每一擺
回甘的 約會